



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅՈՒՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N

9/8791

< 11 > 05

2023թ.

Հրաչ Սմբատի Ավետիսյանին
Հասցե՝ Արարատի մարզ, գ. Այգավան, Տիգրան Մեծի փ., 11 փ.

Ուղարկվում է Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական վարույթի արդյունքում թիվ 8300507381 որոշումը բեկանելու և վարչական իրավախախտման վերաբերյալ գործի վարույթը կարճելու մասին որոշման օրինակը:

Առդիր՝ << 3 >> թերթ:

**Պերի պարտականությունների
ժամանակավոր կատարող,
ոստիկանության գնդապետ**

Ա. Մաթևոսյան

Կատ. Մ. Սարգսյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 26.03.2023թ.-ին կայացված թիվ 8300507381 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 26 >> 04 2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա. Մաթևոսյանս, վերանայելով Հրաչ Ավետիսյանի (Ծանուցման հասցե՝ Արարատի մարզ, գ. Այգավան, Տիգրան Մեծի փ., 11 տ.) (Այսուհետ՝ դիմող) 27.03.2023թ.-ի դիմումի քննարկման արդյունքում նախապատրաստված նյութերը,

Պ Ա Ր Զ Ե Ց Ի

26.03.2023թ.-ին՝ ժամը 10:30-ի սահմաններում Գեղարքունիքի մարզի Մ-4 ավտոճանապարհին դիմողը «Նիստան» մակնիշի 37 PM 787 հաշվառման համարանիշի տրանսպորտային միջոցի վարումը հանձնել է այդ իրավունքը չունեցող անձին։ ՀՀ ՆԳՆ ոստիկանության պարեկային ծառայության Գեղարքունիքի մարզի գումարտակի ավագ պարեկ Հարություն Թազվիրյանը «Ճանապարհային երթևեկության անվտանգության ապահովման մասին» ՀՀ օրենքի 24-րդ հոդվածի 7-րդ մասի «բ» կետի խախտման համար «Վարչական իրավախախտումների վերաբերյալ» ՀՀ օրենսգրքի 128-րդ հոդվածի 5-րդ մասի հատկանիշներով կազմել է վարչական իրավախախտման վերաբերյալ արձանագրություն և կայացրել վարչական իրավախախտման գործով թիվ 8300507381 որոշումը՝ դիմողին տուգանելով 25.000 ՀՀ դրամ գումարի չափով։

Դիմողը 27.03.2023թ.-ի դիմումով խնդրել է անվավեր ճանաչել ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 26.03.2023թ.-ին կայացրած թիվ 8300507381 որոշումը՝ մասնավորապես նշելով, որ նշված տրանսպորտային միջոցի վարումը հանձնել է Էմմա Դանիելյանին, որն ունի վարորդական իրավունքի վկայական (RB633755)։

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ։

Դիմումի քննարկման արդյունքում ձեռք բերված ապացույցների և փաստական տվյալների համադրմամբ պարզվել է, որ վարչական իրավախախտման գործերով 26.03.2023թ.-ին կայացված թիվ 8300507381 որոշումը ենթակա է բեկանման հետևյալ պատճառաբանությամբ և հիմնավորմամբ.

ՀՀ ՆԳՆ ոստիկանության պարեկային ծառայության Գեղարքունիքի մարզի գումարտակի ավագ պարեկ Հարություն Թազվիրյանի պարզաբանման համաձայն՝ Էմմա Դանիելյանը Գեղարքունիքի մարզի Մ-4 ավտոճանապարհին վարել է վերը նշված տրանսպորտային

միջոցը՝ առանց վարորդական վկայականի (իր մոտ չունենալով տրանսպորտային միջոցներ վարելու իրավունքի վկայական), ինչի համար կազմել է վարչական իրավախախտման վերաբերյալ արձանագրություն և կայացրել թիվ 8300507374 որոշումը:

«Ճանապարհային երթևեկության անվտանգության ապահովման մասին» ՀՀ օրենքի 24-րդ հոդվածի 7-րդ մասի «բ» կետի համաձայն՝ վարորդին արգելվում է՝ տրանսպորտային միջոցի վարումը հանձնել ոչ սթափ վիճակում գտնվող կամ իրենց մոտ տվյալ կարգի տրանսպորտային միջոցը վարելու համար վարորդական իրավունքի վկայական չունեցող անձանց:

«Վարչական իրավախախտումների վերաբերյալ» ՀՀ օրենքի 128-րդ հոդվածի 5-րդ մասի համաձայն՝ տրանսպորտային միջոցների վարումն այդ իրավունքը չունեցող անձին հանձնելը՝ առաջացնում է տուգանքի նշանակում՝ սահմանված նվազագույն աշխատավարձի քսանհինգապատիկի չափով:

Ուսումնասիրելով գործում առկա ապացույցները՝ պարզ է դառնում, որ դիմողը, հանդիսանալով «Նիսսան» մակնիշի 37 PM 787 հաշվառման համարանիշի տրանսպորտային միջոցի սեփականատերը, վերը նշված տրանսպորտային միջոցի վարումը հանձնել է էմմա Դանիելյանին, ով համաձայն ՃՈ էլեկտրոնային ռեգիստրի տվյալների ունի գործող վարորդական վկայական՝ RB 633755 թողարկված 10.05.2021թ.-ին:

Նշվածից հետևում է, որ դիմողը չի կատարել «Վարչական իրավախախտումների վերաբերյալ» ՀՀ օրենսգրքի 128-րդ հոդվածի 5-րդ մասով նախատեսված իրավախախտում:

«Վարչարարության հիմունքների և վարչական վարույթի մասին» ՀՀ օրենքի 42-րդ հոդվածի 1-ին մասի համաձայն՝ վարչական մարմինը վարչական վարույթում որպես ապացույց գնահատում է գործում առկա բացատրությունները, ցուցմունքները, փորձագիտական եզրակացությունները, փաստաթղթերը, նյութերը, իրերը, ինչպես նաև այն հանգամանքները, որոնք իր հայեցողությամբ այդ մարմինը պիտանի և անհրաժեշտ է համարում գործի փաստական հանգամանքների բացահայտման և գնահատման համար:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե բացակայում է իրավախախտման դեպքը կամ կազմը:

Նույն օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Նույն օրենքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին և 293-րդ հոդվածի 3-րդ կետերով՝

ՈՐՈՇԵՑԻ

1. ՀՀ ՆԳՆ ոստիկանության պարեկային ծառայության վարչական իրավախախտումների վերաբերյալ գործով 26.03.2023թ. կայացված թիվ 8300507381 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Գեղարքունիքի մարզի գումարտակ:

**Պեյրի պարտականությունների
ժամանակավոր կատարող,
ոստիկանության գնդապետ**



Ա. Մաթևոսյան

Առդիվ << 3 >> թերթ:

**Պեյրի պարտականությունների
ժամանակավոր կատարող,
ոստիկանության գնդապետ**

Ա. Մաթևոսյան

Կառ. Ս. Մաթևոսյան